



## TAARIFA KWA VYOMBO VYA HABARI

**Maonyesho ya “Swahili Fashion Week & Awards” kwa mwaka wa 2022 kuisha kwa kishindo.**

-Maonyesho ya 15 ya “Swahili Fashion Week” yafanyika Desemba 2, 3 & 4, 2022 jijini Dar es Salaam.

-Jumla ya wabunifu hamsini (50) waonyesha vipaji vyao katika jukwaa hilo jijini Dar es Salaam.

-Swahili Fashion Week yatimiza miaka 15 tangu kuanzishwa kwake.

Jukwaa kubwa la maonyesho ya mavazi Afrika la ‘Swahili Fashion Week & Awards’ (#SFW2022) kufanya maonyesho yake Desemba 2, 3 & 4 2022 katika ukumbi wa Parthenon/ Greek Hellenic Club barabara ya Ali Hassan Mwinyi jijini Dar es Salaam.

Jukwaa limeleta pamoja wabunifu wapatao 50 kutoka nchi za Afrika Mashariki na kwingineko ulimwenguni. Likiwa limejijengea mafanikio makubwa kwenye maonyesho yake miaka iliyopita, jukwaa la “Swahili Fashion Week & awards” bado linaongoza kwa umahiri katika tasnia hii ya ubunifu wa mavazi.

Muasisi wa “Swahili Fashion Week & awards” Mustafa Hassanali ana matumaini ya kuimarisha msingi wa ubora wa jukwaa hilo na kwa shauku kubwa anasema, “Lengo la kuendeleza tasnia ya ubunifu Afrika bado linabaki kuwa kipaumbele, kupitia jukwaa hili na mtandao wake mkubwa wa vyombo vya habari, watumiaji wa bidhaa za ubunifu wa Tanzania, Afrika na ulimwengu kwa ujumla sasa wataona mbadala wa bidhaa zinazoingizwa kutoka nje.

“Wakati wote tumekua tukitilia mkazo thamani ya bidhaa za ubunifu za Afrika kwa kuhamasisha dhana ya “Made in Africa” na kutengeneza bidhaa zenye hadhi ya kimataifa kwa misingi ya Kiafrika.”

Maonyesho haya ya kumi na tano (15) ya “Swahili Fashion Week & Awards” yataendelea kuwa kioo kwa maonyesho mengine ya mavazi Afrika kwa wabunifu wa Kitanzania, ukanda wa Afrika Mashariki hata wale wa kimataifa kwa mvuto na mandhari



yake ya kipekee inayoendana na kauli mbiu ya jukwaa ya Tambua Kinachoipendezesha Afrika “Discover What Makes Africa Beautiful.”

“Tunahamasisha Watanzania kupenda kuvaa mavazi yaliyobuniwa na wabunifu wa hapa Tanzania (Made in Tanzania). Kwa kufanya hivyo tunakuza vipaji vyao na kuwafanya siku moja kutambulika kama wabunifu wakubwa ulimwenguni. Upendo unaanzia nyumbani na ndiyo dhumuni la kufanya haya ili kukuza tasnia hii ya ubunifu” amesema Katibu Mtendaji wa BASATA dkt. Kedmon Mapana.

Jukwaa pia limewahimiza wabunifu wachanga kutumia jukwaa hili, ikiwa ni hatua moja wapo katika kukuza vipaji vyao vya ubunifu. Kwa mara nyingine tumekuwa na shindano la wabunifu chipukizi linalojulikana kama “Washington Benbella Emerging Designers Competition” ambapo wabunifu 15 walionyesha umahiri wao kwenye ubunifu kupitia jukwaa hili.

Katika Maonyesho ya mwaka huu pamoja na maonyesho ya mavazi (runway) yalianza kufanyika kila siku kwa kipindi cha siku tatu mfululizo kuanzia saa 1.30 usiku.

Sambamba na hilo tulisherehekea na kutambua mchango wa wadau mbalimbali kwenye tasnia ya ubunifu ambapo tuzo kutoka vipengele 29 zilitolewa.

Swahili Fashion Week Inaandaliwa na kuratibiwa na 361 Degrees Africa Ltd, na kudhamini na Hoteli ya Onomo Dar es salaam, ubalozi wa Italia nchini Tanzania, Desperado, Hugo Domingo, Wasafi Tv, Fashion Association of Tanzania (FAT) Baraza la Sanaa (BASATA), Image Masters, Natural Kendwa, African star, Asila’s Make-up, Nexia SJ, Bevco, Distribution, Star of Africa, A1 Outdoor, Khimji’s, Spik N Span, Kuambiana Investment, Epidor, Maasai Watchers, Events Master, Blackfox Agency, The Wide View Display na Kavs.

Wabunifu walioonyesha ubunifu wao katika jukwaa hili kutoka mataifa mbalimbali ni;

Berry Heart Creations (Botswana), Bombolulu Workshop & Cultural Center (Kenya), Beautiful Enlightenment (south Africa), Seditsi (South Africa), Bread & Butter (Italy), Cree Style Arts (South Africa), Jane Jaquin Swahili Elegance (France) na Mlima (USA).

Kutoka Tanzania;

Bhuyeg’I (DSM), Bilan Facon (DSM), Chuwa Fashion (Arusha), Difa\_Designs (DSM), Enofits (DSM), Katty Collection (DSM), Kiki’s Fashion (DSM), Mkwanduleson’s (DSM), Neah Collection (Tanga), Neith Design (Moshi), Nyuzi CAD (DSM), Sukaina Kermali Apparel (DSM), WEEDO Women Empowering (DSM) by JV’S(DSM), Zuh Fashion



(DSM), Noor Design (DSM), TL7 Masai Art Gallery (DSM), Nyanju (DSM), Zaverya Luciano (DSM), Enjimasaai (DSM), Nally Boutique (DSM), Fiderine's House of catwalk & Fashion (DSM), Shahbaaz Sayeed (DSM), CXG (Znz), Blackcherry (DSM), Gethsemane (DSM), Cappelas Fashion (DSM) na wabunifu 10 kutoka Culture and Development East Africa (CDEA).

### **Kuhusu Swahili Fashion Week:**

Swahili Fashion Week ni Jukwaa kubwa la maonyesho ya mavazi Afrika Mashariki na Kati linalotoa fursa kwa wabunifu wa mavazi kutoka nchi zinazozungumza lugha ya Kiswahili na kwingineko Afrika kuonesha vipaji vyao na kupanua wigo wao wa masoko.

Dhamira kuu ni kudhihirisha kwamba ubunifu wa mavazi ni shughuli inayoweza kumwingizia mtu kipato sambamba na kuhamamisha dhana ya Made in Africa.

Maonyesho ya Swahili Fashion Week yalianzishwa mwaka 2008 na muasisi wake Mustafa Hassanali.

Mwaka huu wa 2022 ni mara ya 15 yanafanyika tangu kuanzishwa kwake.

### **Swahili Fashion Week & Awards**

Tembelea tovuti yetu: [www.swahilifashionweek.com](http://www.swahilifashionweek.com)

Barua pepe: [info@swahilifashionweek.com](mailto:info@swahilifashionweek.com)

Instagram [@swahilifashionweek](https://www.instagram.com/swahilifashionweek)

Facebook [@Swahilifashionweek](https://www.facebook.com/Swahilifashionweek)

Twitter/snapchat/tiktok [@swahilifashion](https://www.twitter.com/swahilifashion)

hashtag [#sfw2022](https://www.instagram.com/hashtag/sfw2022).